

陳氏
藏本

張氏醫通

上海廣益書局
印行

陳氏
藏本
本經逢原卷二

長洲石頑張 璐路玉父纂述

青浦陳蓮舫校正

芳草部

當歸 甘辛溫無毒。蜀產者力剛可攻。秦產者力柔可補。凡治本病。酒製有酒。薑汁製自是。酒製歸性劣不入補劑。本經主效逆上氣。溫瘧寒熱。灑灑在皮膚中。婦人漏下絕子。諸瘕瘕瘕。金瘡。汁飲之。發明 當歸氣味俱厚。可升可降。入手少陰足太陰厥陰血分。凡血受病及諸病夜甚。必須用之。本經主效逆上氣。溫瘧寒熱。灑灑。婦人漏下絕子。皆取辛溫潤血之功。產後惡血上衝。亦必用之。別錄溫中止痛。甄權治下痢腹痛。女人憑血腰痛。好古治衝脈為病。逆氣裏急。帶脈為病。腹痛。腰溶溶若坐水中。其功專於破惡血。養新血。潤腸胃。榮筋骨。澤皮膚。理癰疽。排膿止痛。蓋血壅而不流。則痛當歸甘溫。能和營血。辛溫能散內寒。使氣血各有所歸。入手少陰。心主血也。入足太陰。脾裏血也。入足厥陰。肝藏血也。身能養血。尾能行血。同人參黃耆。則補氣而生血。同牽牛大黃。則行氣而瀉血。同桂附吳萸。則熱同。大黃芒硝。則寒。血虛以人參赤脂為佐。血熱以生地條芩為佐。仲景治陽邪陷陰。手足厥寒。脈細欲絕。用當歸四逆湯。於桂枝湯加當歸細辛通草。以通其血脈。即下痢脈大。氣不歸附。亦用此湯。以歸附之。凡血虛發熱者。宜當歸補血湯。方用當歸三錢。黃耆一兩。作三服。心下刺痛者。一味當歸酒煎服。專主血分諸病。海藏言當歸血藥。何本經治效逆上氣。按當歸辛散。乃血中氣

藥故效逆上氣有陰虛陽無所附者用無藥補陰則血和而氣降矣凡衝任督帶病皆不可少惟泄瀉家痰飲家禁用

芎藭

綱目名

辛溫無毒。蜀產者味辛而甘為上。他處產者氣味辛烈為下。反黎蘆。葉名藤。無本

經主中風入腦頭痛寒痺筋攣緩急金瘡婦人血閉無子發明芎藭辛溫上升入肝經行衝脈血中理氣藥也故本經治中風入腦頭痛等證取其辛散血分諸邪也好古言搜肝氣補肝血潤肝燥補風虛又治一切風氣血氣及面上游風目疾多淚上行頭目下行血海故四物湯用之者皆搜肝經之風治少陽厥陰頭痛及血虛頭痛之聖藥助清陽之氣去濕氣在頭頭痛必用之藥血痢已通而痛不止乃陰虧氣鬱藥中加芎藭氣行血調其痛立止靈苑方驗胎法以生芎藭末艾湯服一錢七腹中微動者為胎千金方治子死腹中以芎藭末酒調方寸匙須臾二三服立出凡骨蒸盜汗陰虛火炎效嗽吐逆及氣弱之人不可服其性辛散令真氣走泄而陰愈虛也

撫芎辛溫無毒產江左撫州中心有孔者是發明撫芎升散專於開鬱寬胸通行經絡鬱在中焦則胸膈痞滿作痛須撫芎開提其氣以升之氣升則鬱自降故撫芎總解諸鬱直達三焦為通陰陽氣血之使然久服耗氣令人暴亡

蛇牀苦辛溫無毒本經主男子陰痿濕癢婦人陰中腫痛除痺氣利關節癰癩惡瘡發明

蛇牀辛香性溫專入右腎命門少陽三焦氣分本經列之上品不獨助男子壯大且能散婦人鬱抑非妙達本經精義不能得從治之法也但腎火易動陽強精不固者勿服

藁本 辛苦溫無毒香而燥者良。其而潤者勿用。本經主婦人疝瘕。陰中寒腫痛。腹中急。除風頭痛。長肌膚悅顏色。發明 藁本性升陽。為足太陽寒鬱經中。頭項顛頂痛。及大寒犯腦。連齒頰痛之專藥。女人陰腫。疝瘕。督脈為病。脊強而厥。亦多用之。霧露之邪。中於上焦。須兼木香。風客於胃。泄瀉。脾胃藥中。宜加用之。今人只知藁本為治顛頂頭腦之藥。而本經治婦人疝瘕。腹中急。陰中寒等症。皆太陽經寒濕為病。亦屬客邪內犯之候。故用藁本去風除濕。則中外之疾皆痊。豈特除風頭痛而已哉。云長肌膚悅顏色者。外用作面脂之類是也。但頭痛挾內熱。春夏溫病熱病。頭痛口渴。及產後血虛火炎頭痛。皆不可服。

白芷

即都梁香

辛苦溫無毒

本經主女人漏下赤白。血閉陰腫。寒熱頭風。侵目淚出。長肌膚潤澤顏

色。可作面脂。

發明

白芷辛香升發。行手陽明。性溫氣厚。行足陽明。芳香上達。入手太陰。為解利

陽明風熱頭痛。及寒熱頭風。侵目淚出之要藥。其所主之病。不離三經。如寒熱頭風。肩稜骨痛。頭目

齒痛。三經之風熱也。漏下赤白。癰疽頭面皮膚。風痺燥癢。三經之濕熱也。風熱者辛以散之。濕熱者

溫以除之。都梁凡治崩漏。赤白。深得本經之旨。性善祛風。女人漏下赤白。皆風入胞門所致。辛香入

脾。故又能溫散血開陰腫。及寒熱頭風。侵目淚出。總取辛散利氣之功。其長肌膚潤澤顏色者。則有

排膿長肉之力。所以外科用之。痘疹起脹。連皮腫者。於解毒藥內用之。預杜將來發癢之患。今人用

治腸癰。有敗膿淋露。不已。腥穢殊甚。遂致臍腹冷痛。須此排膿。膿盡。乃以他藥補之。燒烟辟蟲蛇。為

末。新汲水調頻灌。解蛇毒內攻。和膽礬麝香。搽蛇傷潰爛。但性溫而升。味苦而散。故嘔吐因於熱者。

漏下赤白因於火者勿用。癰疽潰後亦宜漸減。以其能耗胃氣也。

白芍藥

酸苦平微寒無毒。入補脾藥酒炒。入止血藥醋炒。入和營藥及下痢後重血熱癰毒藥。並酒洗生用。入血虛水腫腹脹藥。桂酒製用。反藜蘆。本經主邪氣腹痛除血痺利小便益氣。發明

白芍藥酸寒。斂津液而護營血。收陰氣而瀉邪熱。蓋瀉肝之邪熱。所以補脾之陰。即本經主邪氣

腹痛益氣之謂。故仲景以為補營首藥。入肝脾血分。及陽維寒熱帶脈腹痛。補中下二焦。能於土中瀉水。為血痢必用之藥。然須兼桂用之。方得斂中寓散之義。建中湯之妙用。人所不知。蓋瀉痢皆太陰之病。建中專主太陰腹痛也。其治血痺黃耆桂枝五物湯中用之。非深達本經妙理者不能也。又得災甘草治腹中急痛。同白朮補脾。同芍藥瀉肝。從人參補血虛。從黃連止瀉痢。同薑棗溫經散濕。在用者各得其宜耳。凡人陽氣虛衰。陰氣散漫。患腹脹滿急於補中益氣藥中。加白芍藥一味以收陰。則陽虛不受陰制之脹得陽藥便消矣。然氣虛內寒者不可用。古云減芍藥以避中寒。誠不可忽。產後不可用。以其酸寒瀉肝伐生發之氣也。小便不利者禁用。以膀胱得酸收斂愈秘也。而真武湯中又用以利小便者。深得本經之旨。蓋真武湯本治少陰精傷而證見虛寒。非太陽膀胱癰閉之候。以其能益陰滋血。培養津液。小便自行。非通利也。至於桂枝湯中用以護營血使邪不得內犯。建中湯中用以培土藏邪而治陽邪內陷腹痛。此皆仲景用藥之微妙。端不外本經之義。其除血痺破堅積治寒熱癰瘕止痛利小便皆指赤者而言。與白芍無預。因本經未分赤白。故一貫例之。

赤芍藥

酸苦微寒無毒。酒洗用。

本經除血痺破堅積寒熱癰瘕止痛利小便。發明

赤芍藥

性專下氣。故止痛不減。當歸。蘇恭以為赤者利小便。下氣。白者止痛。和血。端不出本經。除血痺。破堅積。止痛。利小便之旨。其主寒熱。痼瘕者。善行血中之滯也。故有瘀血留著。作痛者。宜之。非若白者。酸寒收斂也。其治血痺。利小便之功。赤白各得應用。要在配合之神。乃著奇勳耳。

牡丹皮 苦辛平無毒。酒洗去鹼土。曝乾。勿見火。本經主寒熱中風。癰癧。驚癇。邪氣。除癥。堅瘀血。

留舍腸胃五臟癰癧瘡。發明 牡丹皮入手足少陰厥陰。治血中伏火。故相火勝腎。無汗。骨蒸。為專藥。本經主寒熱中風。癰癧。驚癇等症。以其味辛。氣竅能開發。陷伏之邪。外散。惟自汗多者。勿用。為能走泄津液也。痘疹初起。勿用。為其性專散血。不無根腳散闊之慮。王安道云。志不足者。足少陰病也。故仲景腎氣丸用之。後人惟知黃柏治相火。不知丹皮之功更勝也。又燉堅瘀血。留舍腸胃五臟。及陰虛吐血。衄血。必用之。藥以能行瘀血。而又能安好血。有破積生新。引血歸經之功。故犀角地黄湯用之。凡婦人血崩。及經行過期不淨。屬虛寒者。禁用。又赤者利血。白兼補氣。亦如赤白芍藥之義。諸家言其性寒。安有辛香而寒者乎。

木香 辛苦溫無毒。形如枯骨。味苦色淡黃者良。味鹹色黑。勿用。生用理氣。煨熟止瀉。本經主邪氣辟瘴。疫強志。止淋露。發明 木香氣香味厚。不獨沉而下降。蓋能理胃以下氣滯。乃三焦氣分之藥。兼入肺脾肝三經。能升降諸氣。故上焦氣滯。膈鬱宜之者。金鬱則泄之也。然雖入肺。而肺燥氣上者。良非所宜。其中焦氣滯不運宜之者。脾胃喜芳香也。下焦氣滯後重宜之者。塞者通之也。若治中脘氣滯不運。心腹疼痛。以檳榔佐之。使氣下則結痛下散矣。本經辟疫毒邪氣。強志。止淋露。以其

辛燥助陽。善開陰。經伏匿之邪。大明治心腹一切氣。膀胱冷痛。嘔逆反胃。霍亂瀉痢。健脾消食。安胎甄權治九種心痛。積年冷氣瘕癖。癥塊脹痛。雍氣上衝。煩悶羸劣。女人血氣刺痛。不可忍。然香燥而偏於陽。肺虛有熱。血枯而燥。及陰火衝上者。勿服。

甘松香 甘溫無毒 發明 甘松芳香。升竈能開脾鬱。少加脾胃藥中。甚醒脾氣。主惡氣。卒心腹

痛滿。風疳齒齲。得白芷白附子良。脚氣膝腫。煎湯淋洗效。

山柰 辛溫無毒 發明 山柰芳香。入陽明。暖胃辟瘴。腐惡氣。治心腹冷氣痛。寒濕霍亂。風蟲牙

痛。皆芳香正氣之力也。

高良薑 辛大溫無毒。煨熟用。子名紅薑寇 發明 良薑辛熱。純陽上升。入足陽明。太陰二經。為

客寒所犯。則逆冷霍亂。腹痛諸病生焉。辛溫暖脾胃而逐寒邪。則胃中冷逆自除。霍亂腹痛自愈。甄

權治腹內久冷氣痛。去風冷痺弱。大明主轉筋瀉利反胃。解酒毒消食。蘇頌治惡心嘔清水。皆取暖

胃溫中散寒之功也。而寒疝小腹掣痛。須同茴香用之。產後下焦虛寒。瘀血不行。小腹結痛者。加用

之。若胃火作嘔。傷暑霍亂。禁用。為其溫燥也。○紅薑寇辛溫。主水瀉霍亂。心腹絞痛。止嘔進食。大補

命門相火。故正元丹中用之。然能動火。傷目致衄。不宜久服。

草豆蔻 辛溫無毒。麩裏煨熟。去麩用 發明 草豆蔻性溫。入脾胃二經。東垣曰。風寒客邪。在

胃口之上。當心疼痛者。宜之。丹溪曰。草豆蔻性溫。能散滯氣。若明知口食寒物。胃澆作疼。或濕鬱成

病者。用之神效。若執鬱者不可用。恐積溫成熟也。然多用能助脾熱。傷肺損目。故陰虛血燥者忌之。

草果蘇名

辛溫溫無毒去殼生用

發明

草果與草豆蔻總是一類其草果治病取其辛熱浮

散能入太陰陽明除寒燥濕開鬱化食利膈上痰鮮麪濕魚肉諸毒與知母同用治瘴瘧寒熱取其
一陰一陽無偏勝之害蓋草果治太陰獨勝之寒知母治陽明獨勝之火也然瘧亦有不由於嵐瘴

氣而實邪不盛者忌服

凡濕熱滯滯傷暑暴注漫赤口乾者禁用

白豆蔻俗名穀名

辛溫無毒忌見火去淨膈膜不爾令人膈滿凡草果草豆蔻縮砂皆然不獨白豆蔻

也發明

白豆蔻辛香上升入脾肺二經散肺中滯氣治脾虛瘧疾嘔吐寒熱能消能磨流行三

焦營衛一轉諸症自平古方治胃冷積氣嘔逆反胃消穀下氣寬膈進食解酒毒皆相宜也若火升

作嘔蘊熱作痛者勿服

縮砂蜜俗名砂仁

辛溫溫無毒

發明

縮砂屬土醒脾調胃為脾胃肺腎大小腸膀胱七經之氣藥

能引諸藥歸宿丹田治脾虛泄瀉宿食不消瀉痢白沫腹中虛痛寒飲脹痞噎膈嘔吐和中行氣止

痛安胎用之悉效同熟地茯苓納氣歸腎同檀香豆蔻下氣安肺得陳皮白朮和氣益脾惟新產婦

忌之恐氣驟行動血也今人治血痢亦多用之若積欲盡時良非所宜又血虛火炎嗽嗽禁用妊婦

氣滯者宜服若氣虛者多服反耗其氣多致難產南人性喜條暢食品每多用之北人性喜潛藏藥

中亦罕用者

益智子

辛溫無毒去壳鹽水炒用

發明

益智行陽退陰三焦命門氣弱者宜之脾主智此物

能益脾胃理元氣補腎虛滑精胃虛多唾女人崩漏治心氣不足夢泄夜多小便及冷氣腹痛於土

中益火也。集驗方縮泉丸治肺氣不足方用益智子鹽炒去鹽。與烏藥等分為末酒煮小藥粉為糊。丸如梧子大。空心鹽湯下七十丸。丹方治夜多小便。取二十四枚入鹽同煎服之有驗。按益智功專補火。如血燥有火濕熱暴注。及因熱而遺濁。色黃乾結者不可誤用也。

萆薢 辛大溫無毒。醋浸刮去皮子。免傷肺上氣。發明 萆薢辛熱浮散。為頭痛鼻淵要藥。取其能入陽明經散浮熱也。性能溫中下氣。治霍亂水瀉。心腹滿者宜之。然辛熱耗散。能動脾胃之火。多用令人喘。效目昏。腸虛下重。以其走泄真氣也。

藟葉 藟子名 辛溫無毒。發明 藟葉辛熱。能下氣溫中。破痰散結。氣解瘴癘。嶺南人以葉合檳榔

食。取其辛香。能破瘴癘之氣也。其子可以調羹。故謂之醬。萆薢之類也。

肉豆蔻 俗名肉果 辛溫無毒。糯米粉裏煨熟用。勿犯鐵。發明 肉豆蔻辛香。入手足陽明。溫中補脾。

寬膨脹。固大腸。為小兒傷乳吐逆泄瀉之要藥。二神丸合補骨脂治腎瀉。蓋取補脾以治腎邪也。按脾土性喜芳香。故肉果與脾胃最為相宜。以其能下氣者。脾胃得補則健運。非若厚朴枳實之峻削也。熱鬱暴注禁用。以其辛溫性滯也。

補骨脂 俗名破故紙字音相近之誤也 辛苦大溫無毒。鹽酒浸焙乾用。與胡麻同炒良。忘雲臺羊肉諸血。發明

補骨脂屬火。收斂神明。能使心胞之火與命門之火相通。使元陽堅固。骨髓充實。當以固脫也。胡桃屬木。潤燥養血。血屬陰。惡燥。故油以潤之。佐補骨脂。有木火相生之妙。故局方青娥丸用之。孫思邈言補腎不若補脾。許學士言補脾不若補腎。腎氣虛弱。則陽氣衰劣。不能熏蒸脾胃。令人痞滿少

食譬如金底無火。雖終日不熟。陽衰則飲食亦不能消化。濟生二神丸治脾腎虛寒泄瀉。用補骨脂補腎。肉豆蔻補脾。加吳茱萸以平其肝。加木香以順其氣。使之斡旋。若精傷溺亦澇痛者。去木香。易五味子。腰膝痠疼。腎冷精流者。用之屢效。凡陰虛有火。夢泄溺血。大便閉結者。勿施。

薑黃 辛苦溫無毒。藏器曰。辛少苦多。性熱不冷。或云大寒誤矣。有二種。蜀川生者。色黃質嫩有鬚。折之中空有眼。切之分為兩片者。為片子薑黃。江廣生者。質粗形扁如乾薑。僅可染色。不入湯藥。今藥肆混市。誤人徒有耗氣之患。而無治療之功也。發明 薑黃鬱金蓬木三物形狀功用皆相近。但鬱金入心。專治心包之血。薑黃入脾。兼治血中之氣。蓬木入肝。兼治氣中之血。為不同耳。古方三痺湯。用片子薑黃。治風寒濕氣。手臂痛。戴元禮曰。片子薑黃能入手臂治痛。其兼理血中之氣可知。能治癰疽癰疽。通經消腫毒。功力烈於鬱金。但血虛臂痛者服之。病必增劇。

鬱金 辛苦平無毒。本草以為性寒誤矣。安有辛香而寒之理。蜀產者體圓尾銳如蟬腹狀。發苗處有小孔。皮黃而帶黑。通身粗皺如梧桐子紋。每枚約重半錢。折開質堅。色黃中帶紫黑。嗅之微香。不烈者真。若大小不等。色黃皮起細橫紋。有鬚如線。折之中空質柔。內外皆黃。其氣烈者。即片子薑黃也。體圓首尾相似。通身橫紋。發苗處無小孔。折開氣烈。觸鼻者。染色薑黃中之小者也。蓬木則大塊色青黑。最大者為廣茂。與此不類。蘇恭不能分別。乃為一物。謬矣。發明 鬱金辛香不烈。先升後降。入心及包絡。治吐血衄血。唾血血腥。破惡血。血淋尿血。婦人經脈逆行。產後敗血衝心。及宿血心痛。並宜鬱金末加薑汁童便同服。其血自清。痰中帶血者。加竹瀝。又鼻血上行者。加入四物湯。一婦

患失心風癲十年用鬱金四兩佐明礬一兩為丸硃砂為衣。纔服五十丸心間如有物脫去再服而蘇。以鬱金入心去惡血明礬化頑痰硃砂安神故也。又能化癥瘕為水。嶺南蠱毒為害初覺胸腹痛即用升麻或膽礬吐之。若膈下急痛以米湯調鬱金末三錢服之即瀉出惡物。或合升麻鬱金服之不吐則下。此李巽岩為雷州司理鞠獄得此方。活人甚多。按以上諸治其功皆在破宿生新。今世誤以為諸血聖藥病者不惜重費。醫者藉為射利。咸以薑黃代充為害非淺。凡屬陰虛失血及陰火迫血上逆咸為切禁。

蓬莪茂

即蓬蓬

苦辛溫無毒。入肝經藥。醋炒。入心脾藥。麩裏煨熟。入四物湯調經。羊血或雞血拌炒。

發明

蓬莪茂入肝破血。治婦人血氣結積痛。疾癰冷氣。跌撲損痛下血。及內損惡血。通肝經聚血。蓋此藥專破氣中之血也。按蓬莪誠為磨積之藥。但虛人得之積不去而真已竭。更可虞也。須得

參朮健運。補中寓瀉。乃得力耳。

荊三稜

苦平無毒。生荊楚地。故名荊三稜。真者絕少。今世所用皆草三稜也。醋炒用之。

發明

三稜肝經氣分藥也。能破血中之氣。散血結。通肝經積血。主寒癖結塊。破產後惡血。血結腹痛。通月水墮胎。以其力峻。故難久服。有人病癥瘕腹脹。用三稜莪朮酒煨煎服。下一黑物如魚而愈。按潔古云。三稜能瀉真氣。虛者勿用。東垣破積諸方。皆與人參贊助。如專用剋削。脾胃愈虛。不能運行。其積亢逆益甚矣。

香附

即莎草根

辛微苦。甘平無毒。產金華。光細者佳。入血分。補虛童便浸炒。調氣鹽水浸炒。行經絡酒

浸煨消積聚醋浸炒。氣血不調。胸膈不利。則四者兼製。肥盛多痰。薑汁浸炒。止崩漏。血便製炒黑。走表藥中。則生用之。
發明 香附之氣平而不寒。香而能竅。乃足厥陰肝。手少陽三焦氣分主藥。兼入衝脈。開鬱氣。消痰食。散風寒。行血氣。止諸痛。月候不調。胎產崩漏。多怒多憂者之要藥。治兩脇氣妨。惶忪少氣。是血中之氣藥也。蓋血不自行。隨氣而行。氣逆而鬱。則血亦凝滯。氣順則血亦隨之。而和暢矣。生則上行胸膈。外達皮毛。故能散風寒。熟則下走肝腎。外徹腰足。故調血氣。得參朮則益氣。得歸地則調血。得木香則流滯和中。得沉香則升降諸氣。得芎藭蒼朮。則總解諸鬱。得山梔黃連。則降火清熱。得茯苓則安心腎。得茴香補骨脂。則引氣歸元。得厚朴。則決壅消脹。得紫蘇。則散邪。氣得三稜莪朮。則消磨積塊。得艾葉。則治血氣。煖子宮。乃氣病之總司。女科之主帥也。惟經水先期而淡。及失氣無聲。無臭者。勿用。血氣本虛。更與利氣。則行之愈速矣。

茉莉花

辛熱無毒。根熱有毒。

發明

茉莉花古方罕用。近世白痢藥中用之。取其芳香散陳氣。

也。其根性熱有大毒。以酒磨一寸服。即昏迷。一日乃醒。服二三寸。二三日醒。惟接骨脫臼。用以傳之。則不知痛也。

排草香

辛溫無毒。

發明

芳香之氣。皆可辟臭去邪惡氣。鬼魅邪精。天行時氣。並宜燒之。水煮。

洗水腫浮氣。與生薑芥子煎湯。浴風瘡效。

藿香

辛微溫無毒。廣產者良。但葉甚少。土人每以排草葉偽充。最難辨別。須於莖上擇取色綠未。

經微壞者方效。

發明

藿香入手足太陰。芳香之氣。助脾醒胃。故能止嘔逆。開胃進食。溫中快氣。

去瘴氣止霍亂治心腹痛凡時行疫癘山嵐瘴瘧用此醒脾健胃則邪氣自無容而愈矣但陰虛火旺胃虛作嘔內無留滯者不可用恐反傷正氣引邪內入江浙土產者伐胃消食其莖能耗氣用者審之

薰香即零陵香 甘平無毒廣產者良雲陽產者氣濁不堪入藥 發明 薰香辛散上達故心痛惡氣

齒痛鼻塞皆用之單用治鼻中瘰肉鼻鼈香以養鼻也多服作喘為能耗散真氣也

蘭香 辛溫無毒藥部移此瀕湖綱目芳草部有蘭草藥部有蘭香名曰羅勒種類不同因改正之

按蘭有三種一種曰蘭草其氣濃濁即今之省頭草也一種曰蘭香植之庭砌二十步內即聞香俗

名香草以子能去目翳故又名醫子草一種名羅勒莖葉較蘭香稍粗大形雖極類而氣輩濁以嫩

時可食僅入菜部不堪入藥 本經利水道殺蟲毒辟不祥久服益氣輕身不老通神明 發明

蘭氣芳香能辟邪毒惡氣楚人以為佩又能辟汗濕之氣故又名辟汗香入手足太陰陽明力能

調中消食去惡氣治嘔嘔脾瘴口中時時溢出甜水者非此不除按蘭性芳香辛溫專走氣道故能

利水調肝和脾其功倍於霍香善調嘔逆散積久陳鬱之氣素問云五味入口藏於胃以行其津氣

津液在脾令人口甘此肥美所發也其氣上溢轉為消渴治之以蘭除陳氣也東垣治消渴生津飲

用蘭葉蓋本於此又治牙疼口臭有神功丸亦用蘭香云如無以霍香代之近世有誤認幽蘭為蘭

香者大可噴飯觀本經利水殺蟲毒辟不祥之治豈幽蘭能之乎古方治癘風蘭香散去其散肺胃

中之濕熱蟲毒也普濟方治反胃蘭香和甘蔗汁服之錢氏治小兒鼻疳赤爛蘭葉燒灰二錢銅綠

半錢輕粉二字為末。日傳三次即愈。子治目醫。及塵物入目。以三五顆內目中。少頃其子濕脹。與物俱出。又主暴得赤眼。後生翳膜。用蘭香子一粒入皆內。閉目少頃。連膜俱出。蓋此子得濕即脹。故能染惹。眩淚浮膜。然目中不可著一塵。而此可納三五顆。亦不妨礙。又小兒食肥甘口臭齒黑。名曰崩砂。漸至齟齬。名曰潰槽。又或出血。名曰息露。重則齒落。名曰腐根。用蘭香子末輕粉各一錢。蜜陀僧煨赤。醋淬研末。半兩。和勻。每以少許傳齒。及齟上。內服甘露飲立效。時珍曰。蘭香須三月。葉生時種之。乃生。否則不生。常以魚腥水。洗清水。冷泥水。澆之。則香而茂。不宜糞水。著糞則萎。其子大如棗。而褐色。不光。七月收之。種時防蟻。濕則有脂浮脹。須以枯炭末掩之。

澤蘭 苦甘微溫無毒。取葉酒洗用。本經主金瘡。癰腫。瘡膿。發明 澤蘭入足太陰。破陰血。分專治產後血敗。流於腰股。拘攣疼痛。破宿血。消癥瘕。除水腫。身面四肢浮腫。本經主金瘡。癰腫。瘡膿。皆取散血之功。為產科之要藥。更以芍歸童便佐之。功效勝於益母。

馬蘭 辛平無毒。赤莖者良。發明 馬蘭入陽明血分。與澤蘭功用相近。故能破宿生新。丹方治婦人淋濁。痔漏有效。喉痹腫痛。以馬蘭根葉搗汁。入米醋滴鼻孔。或灌喉中。取疾自開。絞腸痧腹痛。以馬蘭細嚼。嚙汁立安。水腫溺瀝。馬蘭一握。黑豆小麥一撮。酒水煎服。殺蛇傷。搗汁和醋擦之。皆取散血解毒也。

香薷 辛微溫無毒。江西白花者良。發明 香薷辛溫。先升後降。故熱服能發散暑邪。冷飲則解熱利小便。治水甚捷。世醫治暑病。以香薷飲為首藥。然暑有乘涼飲冷。致陽氣為陰邪所遏。遂病發。

熱惡寒頭痛煩躁口渴。或吐或瀉。或霍亂者。宜用此發越陽氣。散水和脾。若飲食不節。勞役作苦之人。傷暑發熱。大渴煩渴。喘促者。乃勞倦內傷之症。必用清暑益氣。如大熱大渴。又宜人參白虎之類。以瀉火益元。更有汗出如雨。吐瀉脫元。四肢清冷。脈微欲脫者。又須大順散水散等方救之。若用香薷飲。是重虛其表。頃刻脫亡矣。今人不知。概用沉冷代茶。若元氣虛人服之。往往致病。蓋香薷乃夏月解表之藥。如冬月之用麻黃。氣虛者豈可漫用。深師香薷丸。治通身水腫。以香薷熱膏。丸白木末。日三夜一服。米飲下之効。

爵牀

俗名赤眼
老母草

鹹寒無毒。

本經主腰脊痛。不得措牀。伛仰艱難。除熱。可作湯浴。

發明

善通血脈。蘇恭言瘡血脹下氣。杖瘡搗汁塗之。立瘥。觀本經諸品。不出活血舒筋之用也。

荊芥

又名
假蘇

辛微溫無毒。產後止血。童便製黑用。凡食河豚及一切無鱗魚。與驢肉俱忌之。食黃鱔

魚後服之。令人吐血。惟地漿可解。與蟹同食動風。本經主寒熱。鼠瘻。癰瘡。癰生瘡。破結聚。氣下瘕。血

除濕疽。發明 荊芥穗入手太陰足厥陰氣分。其功長於祛經絡中之風熱。觀本經所主。皆是搜

經中風熱痰血之病。又能清頭目。去瘀血。破結氣。消瘡毒。故風病血病瘡病產後為要藥。治風兼治

血者。以其入風木之藏。即是藏血之地。故並主之。華元化治產後中風口噤發瘕。及血暈不醒。荊芥

末三錢。豆淋酒調服神效。產後血暈。熱童便調服。而表虛自汗。陰虛而赤者禁用。今人但遇風證。概

用荊芥。此流氣散之相沿耳。

紫蘇

辛溫無毒。葉紫者能散血脈之邪最良。

發明

蘇葉味辛入氣分。色紫入血分。升中有降。

同橘皮砂仁則行氣安胎同藿香烏藥則快氣止痛同麻黃葛根則發汗解肌同芍藥當歸則和營散血同木瓜厚朴則散濕解暑同桔梗只殼則利膈寬中同杏仁服子則消痰定喘然不宜久服泄人真氣單用煮汁解蟹毒若脾胃虛寒人過服多致滑泄往往不覺也其梗能行氣安胎但力淺薄難於奏效亡血家大虛及妊婦產婦發散用莖最佳本乎天者親上取其包含子氣且氣味皆薄而無過汗傷中之患也

蘇子 辛溫無毒粗而色深紫者真細而色淡者假 發明 諸香皆燥惟蘇子獨潤為虛勞咳嗽之專藥性能下氣故胸膈不利者宜之與橘紅同為除喘定嗽消痰順氣之良劑但性主疏泄氣虛久嗽陰虛喘逆脾虛便滑者皆不可用

水蘇

雞蘇一名

辛溫無毒子名荏子

本經下氣殺穀除飲食辟口臭去邪毒辟惡氣 發明 水蘇

即蘇之野生色青者其氣芳香故本經所主一皆胃病專取芳香正氣之義局方用治血病者取以解散血中之氣也氣散則血亦散矣

薄荷 辛平無毒蘇產者良去梗用

發明 薄荷辛涼上升入肝肺二經辛能發散專於消風散

熱涼能清利故治咳嗽失音頭痛頭風眼目口齒諸病利咽喉去舌胎小兒驚熱及瘰癧瘡疥為要藥其性浮而上升為藥中春升之令能開鬱散氣故逍遙散用之然所用不過二三分以其辛香伐氣多服久服令人虛冷瘦弱人多服動消渴病陰虛發熱咳嗽自汗者勿施

隰草部

菊 黃者苦甘平白者苦辛平皆無毒野生者名苦蕒可搗塗癰腫疔毒服之傷人腦 本經主諸

風頭眩腫痛目欲脫淚出皮膚死肌惡風濕痹久服利血氣輕身耐老延年發明 菊得金水之精英補水以制火蓋金以平木為去風熱之要藥故本經專主頭目風熱諸病取其味甘氣清有補陰養目之功蓋金則肝木平而風自息補水則心火制而熱自除矣其治惡風濕痺者以其能清利血脈之邪而痺濕得以開泄也又黃者入金水陰分白者入金水陽分紫者入婦人血分觀金匱侯氏黑散千金秦艽散俱用菊花為君時珍所謂治頭目其旨深矣近有一種從番舶來六月開花但有正黃而無間色豈特黃州脫辦為異哉

艾 苦辛溫無毒蘄州者為勝發明 艾性純陽故可以取太陽真火可以回垂絕元陽服之則走肝脾腎三陰而逐一切寒濕轉肅殺之氣為融和生用則性溫炒熟則大熱用以灸火則透諸經而治百病蘇頌言其有毒誤矣夫用藥以治病中病則止若素有虛寒痼冷婦人濕鬱帶漏之病以艾和歸附諸藥治之夫何不可艾附丸調經而溫子宮兼主心腹諸痛膠艾湯治虛痢及胎妊產後下血雷火鍼同丁香麝香寒痺攣痛若老人臍腹畏冷及寒濕肺氣以熟艾入布兜之惟陰虛火旺血燥生熱及宿有失血病者為禁有人患風瘙癢疹不時熾發以絹裹擦之即消亦取其辛散開發之力

茵陳蒿 苦平微寒無毒 本經主風濕寒熱邪氣熱結黃疸發明 茵陳有二種一種葉細如青蒿者名綿茵陳專於利水為濕熱黃疸要藥一種子如鈴者名山茵陳又名角蒿其味辛苦小毒專於殺蟲治口齒瘡絕勝並入足太陽本經主風濕寒熱熱結黃疸濕伏陽明所生之病皆指綿